

國

朝

詞

綜

國朝詞綜卷三十八

青浦 王昶 纂

汪 棣 十五首

蔣士銓 二首

彭光斗 二首

畢沅 一首

吳泰來 十六首

王文治 一首

曹仁虎 三首

儲秘書 十首

汪爲善 一首

陸錫熊 一首

汪

棣 字韓懷號對琴江都人監生官

刑部員外有春華閣詞二卷

黃唐堂云對琴詞如入武夷啖荔枝鮮美獨

絕又如饌設江瑤柱與羣殺錯迥別 陳玉

几云對琴以餘事爲長短句清音亮節具體

樂笑翁而生峭之致與折之趣別自煎洗于

夢窓白石張漁川云對琴每於酒邊花下
閒作倚聲如聞空山琴語松下幽泉使人不
復作塵想

洞仙歌

思量不起只合慵騰去隊隊飛來燕鶯侶向花前指點
暗裏流光一時把萬斛愁腸付與闌珊春事盡紫筍
紅櫻寥寂無人共樽俎且聽畫闌西翠幄初濃隔小苑
歌聲一縷更遣我深宵夢魂孤還獨卧池塘棟風梅雨
一翦梅

支枕簾垂到夜分風鐸無聲雨漏無聲思量往事夢難
成淺笑分明低語分明檀几焚香睡鴨清濕露闌庭

雜草流螢更闌獨自下階行月影亭亭人影亭亭

高陽臺

雨洗梧階蛩吟莎徑一庭涼露蕭蕭倦意孤懷裊雲沉
水無聊枕函空作雙鴛夢縱牽情容易相拋醒猶憐舊
日經行柳外紅橋 祇拚杯底消愁緒却愁多對酒半
晌難消閑度征鴻紛紛木葉齊飄打鐘掃地平生願念
疎狂勝侶誰招莫推窗冷月關情又挂林梢

南浦

迴憶金陵萬樓並寄姚宋邨吳恒齋史蘭浦
凌裕圃吳竹嶼王述庵嚴水西

孤月最關情記秦淮曾共圓輝如絢疎樹晚棲鴉重簷
下風榭半開人倦歌成引酌白頭青鬢絲絲見只少琵琶

琴紅袖撥不似小庭春院 今宵薄袂寒侵忽迢迢感
舊懷人難遣何減對嬋娟雕闌外簫鼓畫船聽遍夜潮
纔渡斷橋幾曲縈秋怨除了垂楊飄渡口殘壘冷烟誰
念

八聲甘州

幼讀韋左司詩對琴無一事新興復何
如二語心最賞之屬友爲圖并綴此曲

念浮生難拂是愁襟誰與繪空林更巖几香清石牀甌
冷閑喚秋禽幽意忽成雅曲箏笛遜鳴琴獨立凝眸處
薄靄輕陰 往事垂虹詩老有小紅簫底掩袖微吟却
聲希韻淡別趣冷遙岑歎年年燕昏鶯曉惹愁腸那似
砌蛩深還須仗冰絃玉柱一奏清音

掃花游

謝述庵

關河素侶共幾度高歌
驀然重見綠牕未遍正冷閉青
瓊地幽塵遠細數心期屢仗空江孤鴈入經苑
羨研討典章閑意傾款
掄袂寒亦淺想百尺堯峯凍容初展
松鱗逕蘚問游情可入翫
春吟卷却異停車坐愛霜紅
遠岸何當伴向山城暮聽離管

清平樂

銀蟾當戶暗把更籌數
今夕留歡須小住待看牽牛花
吐從教清怨成塵事
如春夢無痕寄語莫拋團扇歌
時曾障朱脣

買陂塘

滬城別趙璞函

向西風問伊何事吹殘江滸黃葉
羈懷獨倚銷魂甚況復翠尊難別
歌乍咽歎握手無多又鼓吳娘織
階蛩響切便剪燭筠牕聯牀不寐
相對也愁絕絲絲柳妝點津亭行
色無情翻被攀折琴歌酒頌渾間
事那更子規啼血涼露裊記白下
分箋逸興猶能說兩心如結縱尊
菜鱸魚一番拋去千里共圓月

綺羅香

碧浪吹衣涼雲映幕猶記那回芳
艷水驛羈魂驀地輕盈如見伴孤
棹冷雨疎烟盼高城嫩鶯雛燕恨
雙魚尺

素無憑小橋偏隔暮潮淺 西泠游徑未遠襟上酒痕

依舊年時難辨斷送黃昏甚處玉簫哀怨縱謝娘眉嫵

重逢早潘令鬢絲難免料昨宵獨倚妝樓望窮帆影轉

西子妝

過深柳堂桐城姚朱郵有詩紀游因賦此

水影浮梁人聲古塊疑盼忽增吟興牆陰曲曲掩雙扉
問何年菊楓三徑凭闌滄苔却閣下鷗眠正穩短籬遮
甚垂楊能繫迷離紅影 從君聽驀地心清隔院泠泠
磬冶春都覓玉鉤斜綻官梅踏殘寒嶺憑誰問訊城南
路烟光乍冷更蕭蕭遠浦叢蘆欲暝

渡江雲

瓜洲放舟

孤城吹曉角夜殘海日剛照一帆懸風流傳往事猶自
山門玉帶說當年雲開浪白又依稀瘞鶴灘邊須乞取
蒲桃京口吟望好江天 愀然南徐重鎮北府雄兵甚
烽烟銷盡空賸得霜沉法鼓雨滴寒泉隔船莫作桓伊
弄怕感懷今夜無眠情緒惡淒音絕似啼鶻

琵琶仙 金閶晚泊

斜日揚舲堞樓下一帶荒涼吳苑珠幌猶蔽何鄉秋空
片雲卷風漸急橫塘乍渡便穿入虎山西崦野草低迷
寒鴉下上渾是淒怨 看胥口波面靈旗未輸爾鴟夷
五湖遠無限亂山銜碧閃烟檣斜展排多少荒臺廢館

只望中破楚門鍵料得遙夜鐘聲夢回難遣

瑣窓寒

蘭浦天才淹雅而賁志於歌詩飲酒春橋
盤余與之同寒煖者二十年真不禁人琴
之感長源儲君其同鄉石友也偶填一解
誦則酸鼻爰倚聲和之

淡月閑窓微塵客館舊高吟處低徊欲往忍過桐陰疎
樹記年時白門弔古幾回夢斷鍾山渡算青蓮逸興樊
川冶思尙存前古 休訴離悰苦更何地荒雞夜中起
舞襟期相許却全爲鶯花鞿悞祇空留陽羨淚痕沉淪
一壑風烟句怕再逢琴榻茶鐺小庭同嘯侶

湘月

平山堂探梅同玉井璞函

踏春已近却琴樽勝侶同放烟艇水暝風微歛瘦石一

樹繁花斜映玉淑人遙雕闌鑰扃不辨檀藥徑鬢毛都
改艣搖偏動孤興堪笑枯寂禪關高燒樺燭寫迷離
疎影閣外流雲更吐出圓魄晶瑩如鏡度鶴深松敲鐘
短壑叉手繫清聽漁簑三兩空明露下歌冷

瑣牕寒

杭堇浦屬題青山送別圖

水咽離聲峰含怨態峭帆初去斜陽黯黯那待塔鈴吹
雨望空江楓丹蘋白驛樓迥被巒雲護怪閒眠點點牽
情都到晚汀鷗鷺還覩年華暮却別壑梅藏平湖月
吐夷猶歸櫂不盡西泠幽趣肯回思燭冷樽空寂寥兩
地高陽侶但孱顏一縷孤烟遠繞南徐樹

蔣士銓

字心餘鉛山人乾隆二十二年進士官編修有銅絃詞二卷

邁陂塘

題述庵先生三泖漁莊圖

放先生鸞臺鳳閣如何夢繞烟水九峯三泖空濛極移
入輞川圖裏還細指看一桁斜陽網挂魚蝦市釣師樓
底怕欄外沙奔檻邊湍落鷗鷺暗驚起 蒼茫外何處
汀滸沙觜輕帆葉葉如駛誰歟管領江湖者讓與蘆中
窮士君莫擬渾不放大魚東海揚鬚尾御溝波瀾且斫
膾蓬池釣鰲瀛島豈必食河鯉

城頭月

中秋雨夜書家信後

他鄉見月猶淒楚天氣偏如許一院蟲音一聲更鼓一

陣黃昏雨 孤燈照影無人語
默把中秋數桂萼華年
更番離別九載天涯度

彭光斗

字賈園溧陽人乾隆二十四年舉人官知縣有越游草一卷

漁家傲

九日喜晴登鳳凰山

九日年年風復雨天教破例勾除去潑眼睛光遮不住
吾誰侶湖山好做登高主 紫菊丹楓俱照路僧樓倚
遍頻延佇漠漠蘆花翻遠渚斜陽渡背人冷雁投何處
浣溪沙 錫山楊子蓉裳年少才艷友人攜其吟翠軒稿示我率填一闕以誌傾倒揚名芳燦

錦瑟新詞寶劍篇文人俠骨美人禪
綉綉白袷正華年

名重肯如泉第二才奇非藉賦盈千

楊子雲云不讀千賦不能賦

其誰載酒草亭邊

畢

沅字湘蘅號秋帆鎮洋人乾隆二十二年賜進士第一官至湖廣總督加太子少保

渡江雲

送嚴道甫歸金陵

十年三話別灞陵踏雪纔過落鐙時擁鑪寒料峭欲去
頻留屋後馬長嘶離愁飽慣到今宵怕說將離誰遣此
金尊紅燭雙鬢已成絲垂垂秦淮柳色綠似青門任
春風自吹待再來環香吟閣秋以爲期記曾同掬天池
水怎回頭仙夢都非人去遠蓮花其子相思

吳泰來

字企晉號竹嶼長洲人乾隆二十五年進士
二十七年名試賜內閣中書有墨香閣

琴趣

二卷

蔣西原云企晉水月方清雲嵐比潤偶作詩
餘亦是蘇門長嘯

鳳棲梧

江梅吹盡紅樓閉楊柳多情也爲春憔悴燕子來時人
未起梨花小雨重門裏 夢斷青溪傷往事桃葉桃根
多是淒涼意一點相思誰與寄羅襟留得東風淚

天香 龍涎香

珠舶春迴瓊扉夜扃依稀千點輕杵似搗薇花還栽蕉
葉好向紫囊深貯流蘇斗帳知幾度春葱添炷記得相
逢半醉黃昏畫簾微雨 而今賦情老去擁篲衣淚痕
凝聚翠被夢寒江漲小橋無路莫問吳家舊譜但一榻

茶烟颺秋縷欲寄相思蓬山甚處

摸魚子 尊

捲晴雲翠奩開處冰絲千縷相接一宵驟雨添新漲取
次採蓮歌歇催畫楫看翠滴香凝不管春纖滑吳鹽似
雪便調出羹湯玉鱸盤底尊酒話清絕紅塵夢最苦
天涯遠別江鄉樂事誰說洛中羊酪雖然好肯負四橋
烟月歸興發又一度秋風吹到青蘋末柔條亂葉想舊
路依然甚時重去浩蕩白鷗沒

卜算子

蕙帳裊殘烟寶篆消寒霧小小闌干曲曲屏人在深深

處 夢斷楚樓雲恨比秦箏柱
窗外芭蕉不忍聽更著
風和雨

臺城路 葭溪晚步

垂楊零落西堤路
楚天倦聞征雁
蘆管藏鴉
楓林帶月
十里滄江
秋晚閒愁
檢點恨如此
溪山荷衣未換好景
匆匆西風空復感團扇
天涯暗催旅思想
苔深杜曲
朱戶長掩白髮
新愁青衫舊淚
供盡庾郎吟卷
故山在
眼送一點歸心
暮帆天畔
回首秦樓
斷腸人正遠

柳梢青

綠柳烟斜
東風搖曳
隱隱啼鴉
幾日春寒
一番暮雨
滿

地梨花 青山點點雲遮空
悵望簫聲鈿車前度天桃
去年人面今日天涯

清平樂

紫蘭香徑小小鴛鴦並
二十四簾春意靜過了荼蘼花
信 碧桃片片飛殘晚風猶帶餘寒
記取銷魂時節子規啼月闌干

臨江仙

秋柳

舞盡春風餘瘦影
楚宮舊態依然
枝枝搖落帶寒烟
棹鴉流水外長笛晚霞邊
絮影萍香無處問
曾經玉手堪憐
江潭幽恨向誰傳
靈和人去後風景自年年

賣花聲

瀨城旅思

風雨送扁舟回首紅樓傷春傷別幾時休昨夜濃香今夜夢多是離愁楊柳小灣頭烟水悠悠歸心空望白蘋洲只有春江知我意依舊東流

買陂塘

別璞函

又匆匆水天分袂蒲帆輕挂洲渚倦游人老荷衣破未浣舊時塵土情最苦是一片斜陽催送離亭杵相看無語但倚徧闌干楚鴻聲裏重譜斷腸句江南路雙槳桃根古渡俊游何限淒楚寶箏紈扇俱零落休問庾郎詞賦君看取又幾陣西風吹散高陽侶離愁幾許向竹

屋秋燈水窓夜月都是夢君處

金縷曲

上元日丹陽旅寓對雪同述庵作

客裏情懷惡悵關河蕭蕭短景晚風還作茸帽衝寒驢
背苦負了五湖盟約但回首水村山閣殘雪銅坑芳訊
早想溪梅漸吐紅椒萼誰招手故林鶴 百年身世悲
秋籟最愁人試燈風裏天涯栖泊獨樹寒烟飛鳥外人
在雲陽城郭更休問紅爐翠幙野店黃雞催夢醒聽郎
當一片穿林鐸歸路遠恨難托

酷相思

丹陽雨泊

烟鎖垂楊江色暮正疊鼓催人去指青袍十年來往路

長亭也銷魂處短亭也銷魂處 回首秦樓牽別緒記
唱徹黃金縷看睡鴨沉香消半炷聽風也愁如許聽雨
也愁如許

祝英臺近

和迷庵
游之作

少華嶺花水閣聽雨憶山中舊

石玲瓏花匝匝池館翠陰密蘋末風來雨意正蕭瑟最
憐柳外舟移葦間門掩聽徹了隔林漁笛 坐岑寂是
誰手欸雙扉幽堦點藤屐夢裏寒山跳珠濺千尺恁時
桐帽穿雲荷衣滴露共賞遍松龕苔壁

探春

新柳

金縷拖烟碧痕搓玉二月東風似剪嬌眼纔窺纖腰欲

因低蘸鴨頭波淺便有三眠意渾未放晴絲香軟攀來
已自關愁天涯何事游遍莫訝叢輕葉短試驗取鴉
藏儘教鶯占油壁初停麴塵乍起是處低迷亭館多少
纏綿思陽關路夢回人遠空憶秦樓謝嬈眉嫵曾見

聲聲慢

七夕前一日借道甫獻之攜河東樂部小
集述施鈴齋見示新詞輒爾倚聲兼寄雪
門廉使湖南

桂榭螢流莎庭蛩咽飛星影度空虛促坐瓊筵相看青
鬢都殊玲瓏又翻新譜弄秦箏半學吳歛留歡處愛鶯
喉燕舌並囀圓珠喚起江湖舊夢歎酒旗歌板伴侶
今疎贏得樊川花風空颺茶爐瀟湘故人天遠忍重尋

翠障紅璣試問取洞庭春誰勸玉壺

浪淘沙

述庵招同人集廉讓堂餞別

天末喜追攀重話巴山無端樽酒愴離顏暮景鞿懷難
道也更聽陽關相對鬢毛斑別淚潸潸孤雲倦羽縱
知還三泖湖邊三徑好鷺冷鷗閒

王文治

字禹卿號夢樓丹徒人乾隆二十五年進士官至歸安府知府

酌江月

春將歸去問若箇留得春光且住天縱憐春怎能禁一
片催花風雨把酒臨風拈毫對月有箇商量處才人補
恨舫齋爲製新句試看舫外烟波舫中書畫常得春

來趣論世懷人瞬息耳聞盡無端今古春鳥啾啾春溪
活活似對春風語扁舟任意柳陰撐出前渚

曹仁虎

字來應嘉定人乾隆二十二年
賜內閣中書二十五年進士官侍講學士

南浦

題沙斗初春江雨泛圖

新水碧潭潭正橫塘十里湘匱添漲江燕乍來時紅橋
畔芳草萋萋初長回汀曲渚暮雲無際環青嶂蘋葉蘋
花南浦路誰放木蘭雙槳芳隄疎雨初過聽蕭蕭滴
徧菰蒲細響蓑笠向烟波垂楊外遙隔數聲漁唱青窈
薄漾亂紅飛盡添惆悵修禊人歸春又晚一任老魚吹

浪

八歸 送春橋歸里

銀燈照影銅壺催漏簾外月波漱灑江南細雨新晴候
正值綠荷珠綴碧桐綿糝舊侶天涯初握手又別酒慙
恩江店最可惜玉柱金庭蠟屐未同探空歎芳時易
謝清歡難續剩有離魂消黯虎山寂寞雀湖迢遞是處
烟昏雲暗想菰蘆夢穩賦罷閒居草堂掩遙相待鱉魚
風起到了秋期重來孤艇泛

瑞鶴仙影 蘆花

荻洲渺渺漁波遠寒花乍點明鏡霜前披拂磯頭搖颺
雪鋪千頃澄江練淨有多少丹楓掩映最堪愁潮平風

急不辨鷺鷥影 遙憶天涯路折贈迢迢露華婁冷青
芽紫筍到如今舊游誰省舞盡秋光歎一片飄零斷梗
問何人更泛夜月繫釣艇

儲秘書

字玉函宜興人乾隆二十六年進士官鄖陽府知府有華嶼詞一卷

清平樂

曲闌干畔葉葉清陰亂雨過小池風滿院別樹蟬聲欲
斷 幾叢茉莉香清心情分付桃笙何處恰宜小睡水
窓涼月初生

臨江仙

酒冷香殘愁不淺小窓倦擁秋衾西風消息到疎林數

聲梧葉雨多少乍涼心 盼盡天邊鴻雁影錦箋誰寄
佳音歡游還向夢中尋舊時攜手地空有暗蛩吟

蝶戀花

乍減羅衣寒未褪 殢酒迷香又是年時病午院風柔輕
醉醒隔花燕語朦朧聽 往事千端問記省獨上高樓
望斷天涯信細雨亂紅飄欲盡捲簾惟有春陰近

百字令

春衣飄泊趁東風又過舊家池館依約翠圍紅映處往
事幾增悽惋柔柳迴腰天桃破靨曾鬥新妝艷凭肩私
語倚窓銀燭同剪 一自樓外鶉啼催歸畫鷁任個儂

腸斷六曲闌干三尺水中有顰眉淚眼賦別江淹尋春
杜牧此恨何人見重來凝竚捲簾空認雙燕

臺城路

位存招飲南樓

秋光看到丹楓候登臨盡成詩意露白霜紅山濃水澹
畫出小春天氣流連未已有斗酒雙螯故園風味硯北
開尊陶然共入醉鄉裏 當年借隱有約悔風塵浪跡
誤了生計長缺纔歸輕裝又去終歲爲歡能幾危欄倦
倚剩一片清愁蒼茫無際歌罷新詞月華烟外起

又

春日游平山堂同石亭叔賦

嬉春試踏平山路生衣乍逢新暖柳態籠烟梅妝傳粉

倦客頓舒心眼，凭高眺遠。恰檻外春山綠，雲圖展。雉堞參差江流隱，隱樹中見。芳堤游騎漸滿，向富壚喚酒，爭占亭館。幔捲輕紅，波搖嫩碧，風色著人都軟。清尊共款聽一曲瓊簫醉歌，緩緩笑指迷樓夕陽明廢苑。

又題程蕙江晚江圖

朝川形勝分明在，芳菲也饒幽趣。景石玲瓏，虛亭窈窕，四面烟霞都聚。垂楊靜處，逗一片湖光，最宜延佇。鏡碧涵空，濛濛碎影攪飛絮。塵喧坐來自遠，愛詩人卜隱，瀟灑如許。顧曲閒情，霏香秀筆，好與鶯花爲主。萍蹤偶住，擬結箇鷗盟，小山重賦。可許攜樽醉吟紅藥圃。

甘州 送淡存之新安時子初從嶺南歸

乍天涯一棹共春還相見慰離顏美新詩似錦風懷不
減愁緒都刪舊雨故園良會此樂向來難且賞城南酒
同醉家山 誰道尊前數語又匆匆分手不待春闌想
梅花千樹送爾過嚴灘倚篷窗客懷清絕恣飽看三十
六烟鬢應憐我冷吟閒醉悵卧柴關

邁陂塘

同人拈歲寒詞得踏葉

訝亭臯更無妻響林梢脫葉都盡飄飄委翳誰憐惜壓
徧曲籬斜徑深更靜愛度壑經邱觸撥吟詩興霜華淺
凝試竹杖閒攜芒鞋款步颯沓入清聽 徘徊久欲訪

山中舊隱還愁行跡難認翠微深處聞樵唱冉冉斜陽
半嶺凌石磴擬喚起荆關爲寫荒寒景流光暗省是那
日春游馬蹄歸路高下落紅襯

水龍吟

西軒荷蕊將開同人小集

竹陰低護長廊晚涼天氣荷香度鏡奩初啟新妝未試
輕紅欲吐款約吟朋急開醞醪花前小聚愛亭亭倩影
含嬌微暈爲我作迴風舞樂事憑誰細數憶年時晝
溪消暑蘭橈宛轉冷香搖蕩水雲多處悔別家山等閒
拋却舊盟鷗鷺判今宵醉倒西軒分付夢魂歸去

汪爲善

字心揆崑山人乾隆二十
六年進士授庶吉士早卒

泛清波摘遍 白蘋

蒼蘼泣露紫蓼縈烟千點素葩舒碧漲鯉魚風起鸚鵡
餘馨遠江上萼波漾南湖夜冷北渚秋清鷗散月明還
騁望試薦湘祠渺渺楓灣采菱唱 水綿長涼葉乍浮
楚汀斷梗忽隨吳榜飛盡芳洲鷓鴣雨微疎響旅情悵
沙嶼釣艇笛殘曉寒夢回菰蔣不比弱絮殘蘆半生漂

蕩

陸錫熊

字健男號耳山上海人乾隆二十六年進士
二十七年 召試 賜內閣中書官至大理

寺卿

珍珠簾

題張遠春詞藁卽送歸里

行波箋上烏闌字是誰填漁笛贛州新譜紅杏擅才名
問風流張緒刻意傷春傳水調忍更聽鶉啼蛩語佳句
看銀箏彈徧井華汲處 見說響叶轅韶向行廬授簡
摩空作賦宮錦拜恩回索酒旗亭路彩扇兩鬢歌未徹
又游倦長安鈴馱歸去待金莖細寫江南春雨

國朝詞綜卷三十九

青浦 王 昶 纂

趙文哲 四十六首

沈開勳 一首

朱漢倬 一首

朱澤生 七二首

朱荏茶 二首

蔣業鼎 一首

趙文哲

字損之號璞函上海人乾隆二十七年名試賜內閣中書官戶部主事卹贈光祿

寺少卿有姒

雅堂詞四卷

吳竹嶼云璞函詞辨香於碧山蛻巖故輕圓俊美調協律譜以近代詞家論之允堪接武竹垞分驪樊榭

摸魚子 蕙

問江東步兵何事秋風纔憶歸路年年圓柳春三月生
徧麴塵吹處凌極浦絆苕帶荷錢點點粘柔櫓冰絲萬
縷費幾許織葱梳紅滲碧得入筍厨煮 枯鹽點俊味
寧輸酪乳尊前喜盡吳語花姿粉煮調羹好小飲畫橋
微雨君記取但穩住家鄉那用相思苦江空歲暮看淮
尾叢殘龜髯冷結重喚挂帆去

臺城路

張麗華詞

奈何聲裏香魂斷荒祠尙臨寒渚梁鼠啼時砑蛩咽處
雜沓靈旗風雨羊車一去但寂寞青溪小姑同住夢遠
雞臺海蠹誰解薦芳醕 蘭衰休擬菊秀喜臙脂井明

便作坏土壁樹飛蟬裋裳化蝶欲問故宮無路殘鐘幾
度只遺曲猶傳隔江商女回首雷塘暮鴉啼更苦

又 桃葉渡

烏衣巷口斜陽冷尋常更無飛燕卻泝輕潮閑臨古渡
記起尊前人面珠喉一串只付與殘蟬夜吟哀怨明月
多情素光猶似照團扇 船脣曾此小泊指朱扉扣處
鸚鵡輕喚舊曲飛花芳名刻玉姊妹雙娥誰淺鶯儔蝶
眷悵兩槳重來畫樓天遠輸與王郎渡江歌婉轉

河傳

送客南陌千絲殘柳一絲涼笛東風日暮雨瀟瀟魂銷

人歸紅板橋
梨花小院深深閉
闌杆倚離恨
倩誰寄
酒初醒
夢將成
愁聽紗窗啼曉鶯

摸魚子

竹嶼別業近鄧尉梅花之盛甲於吳會曩時相逢蕭寺有入山之約會竹嶼宦游未果戊辰冬杪韓懷書來言將以獻歲扁舟載酒期我於銅坑香雪中爰成此解寄之
山
中
人
去
殊
嘆
息
壤
之
消
沈
也

記當年破窗風雨相逢清話連夕吳儂家近東西崦繞
屋老梅三百清興劇筭載酒攜琴花發期來覲枯筇短
屐嘆此意沉吟山中人去極目暮雲隔滄江臥聞道
蕪城賦客扁舟幾度游歷天寒倚樹微吟好莫弄舊時
橫笛九月白想獨醉蒼苔翠羽紛啾唧迢迢水驛縱盼

斷瓊枝夢魂飛去踏遍五湖碧

又 歸家卽事寄述庵

趁平潮峭帆東下隔林遙認菊屋到家私事真堪喜
漆得百竿修竹風簌簌愛荷翠縷深恰聽玲瓏玉溪橋幾
曲更鳩外柔雲鶯邊柳浪面面漲新綠以征衫脫換取
莎衣獨速支筇時肆遐矚江鄉似此閑眠穩恨少碧山
迥覆清興屬指圓柳如羅點點烟髮盞芳隣可卜算小
閣花辰疎檣月午襍被肯尙宿

又 對雪慎鄉里作簡張右樵沙斗初諸君

打疎窗朔風淒緊閑庭積素如許饑烏凍雀俱無賴檐

底欲啼還住眠過午攬清鏡衰顏倚杖徒延竚鄉關甚
處想幾曲寒流板扉深掩壓徧小梅樹 歸期悞早晚
扁舟喚渡持竿常狎漁父江湖未改難馴性肯負舊盟
鷗鷺搔鬢縷嘆賦筆飄零誰念梁園侶荆高在否試攜
取鶴裘旗亭貰酒一醉失羈旅

南浦 對雨

昨夜又東風畫樓深無那薄寒成陣柳外乍空濛憑闌
處漸覺聲聲催緊簾衣下了無聊獨擁香篝澗小白蕪
紅都落盡休說踏青時近 遙想此際蘭閨憶歸期愁
聽銀塘雷殷翦燭定何如紋窗掩盼斷巴山芳信扁舟

去也明朝好趁江湖穩更擬銜泥攜蠟展開數小園新
荷

摸魚子 贈鄭子谷

恨江湖舊游星散尊前愁按金縷吹簫欲作蘇臺客傳
得鷓鴣新句攜手處看清簾疎簾幾點桐花雨吟湘賦
楚問樊榭人空鴈太吳船唱斷趙飲此調孰能撫 還

凝想一曲皇荂競許軟塵休被輕誤阻風中酒年年事
笑我未成歸去逢俊侶更擬倩春葱小拍翻新譜荷衣
醉舞伴北里青蛾南槽紅友生計未遲暮

淒涼犯 蘆花

滄江望遠微波外芙蓉落盡秋片野橋古渡輕筠嫋嫋
露華零亂西風乍捲便鷗鷺飛來不見似當時楊花滿
眼人別瀟陵岸幾度思持贈回首天涯白雲空翦夕
陽自顫嘆絲絲鬢邊難辨獨立蒼茫問何事頻吹塞管
正淒涼冷月宿處起斷雁

臺城路

秋草

疎枝一夜鳴鴉青漸看非昔古柳陰中殘荷影外
迢遞河梁秋色西風巷陌恨送盡年年寶鞍珠勒不見
王孫夕陽空記舊行蹟西堂吟興乍減那堪離夢醒
無限相憶塞北秋深江南日暮一帶傷心寒碧憑高望

極又斷雨零烟幾重遮
獨立蒼茫舊袍清淚濕

又 秋柳

南樓昨夜吹橫笛
聲聲玉關懷抱暮節紛來柔姿瘦盡
滿眼西風殘照長亭古道莫更問當時
燕昏鶯曉認取寒枝只今惟有晚鴉繞
青青幾度送遠玉葱持贈處
離恨多少西角吟詩北征隕涕
況值淒涼秋杪愁絲裊裊
怕攀折重經漫思春好舊館枚生賦情
今漸老

天香 橄欖

漢苑移初蠻祠賽後包來品重甘橘中酒
心情試茶時候看取玉盤初設從誇啖蔗
筭佳境未如清絕味諫軒

中客去紛紛競含雞舌 薑芽幾回鏤切漉新漿碧瓷
停雪第一配河豚好軟脣輕齧笑我酸醜嗜別拚苦口
相將歲寒節消息南枝稀含共說

摸魚子

積雨寄遠游故人

枕迴谿醉漚亭子泔雲盡日低鎖絲絲月額虬檐冷難
遣乳鳩啼破簾影驪笑人與垂楊眠起俱無那爐烟帖
妥問煮繭人家焙茶天氣幾度悞清課 江南路望斷
輕潮一舸新詞譜就誰和園林屈指初晴好結个 小藤
輪坐橋畔過愛三尺肥波鷗夢清於我風光淡沲頰勝
似天涯油衫席帽朝暮聽鈴馱

百字令

爲述庵題三柳漁莊

清門無恙數上虞江畔高懷堪並橘社蕪鄉隨處好無
限秋風佳興十里肥波一區瘦地短屋如吟艇蕭蕭蘆
荻夕陽閒弄笈笈况有九點烟鬟梳紅抹翠日日臨
清鏡攜笛橫琴兼載酒醉臥兔華涼影浩蕩鷗盟踟躕
鶴夢香土情徧冷結鄰儻許花南卻掃三逕

薄倖

落花

閉門深閉又幾陣風疎雨細恁枝上無多春色都入杜
鵑聲裏最防他雙蝶依依採香舊路渾難記看鶯嘴啣
殘馬蹄襯徧一片斷橋流水思昔日揚州夢空腸斷

綠陰青子想茶烟颺處飛來幾點濛濛絕似青衫淚髻
絲蕉萃縱殷勤題徧新詩可有朝雲寄東君去也莫向
闌干重倚

憶少年

楊花時節梨花庭院桃花人面重尋已無路吹雲中僂
犬 幾點春山橫遠岸也難比翠眉痕淺東風落紅豆
悵相思空徧

倦尋芳

送春同竹嶼作

柳遮翠館花落紅亭催老芳序滿目江山何處送春歸
去漫惜侵簾鶯語滑可憐隔浦鶻啼苦最消魂是斜陽

欲下一庭疎雨 悵往事都如流水人面重門佳約無
據繫馬踟躕不記舊時芳樹青子綠陰空自好年年總
被東風誤只多情燕歸來畫梁愁訴

綺羅香

寶帳圍春瓊窗映曉鸚鵡催回幽睡蘭語無多只道未
消殘醉開鸞鏡慣畫春山調鴈柱似啼秋水趁風流雙
蝶穿花幾番同住翠簾底 西風吹夢乍散紅袖闌干
凭處餘香猶膩一夜相思題徧碧羅褰子怕飛鴻也替
人愁寫繡牋又還休寄想而今門掩梨雲小樓人未起

又 重過潘氏廢園有懷

燕絡晴絲鶯巢接葉又是尋春懷抱閑拂金鞭行入翠
紅深窈窕幾重畫閣雕闌只一帶斷雲殘照悵玫堦寂
寂珠塵綠苔如繡有誰掃 當年無限俊侶攜取三升
畫榼同耽幽討再過池塘腸斷夢中芳草問樓前那樹
天桃是彩筆留題曾到指臨溪小小青帘翠尊聊自倒

摸魚子

重過沈香禪院

寄荒郊打頭茅屋窮冬如凍飢雀江城昨夜初晴雪策
杖試尋紅萼風送鐸指一曲寒林夕照明高閣雲闕寂
寞記細馬春游疎鐘夜坐俊侶此棲泊 鶻啼急最苦
花間小酌酒醒人已離索粥魚茶板生涯好舊夢幾曾

忘卻情似昨只月影闌干不見巢松鶴雲山緬邈算別後西窗幾番暗雨負我對牀約

霓裳中序第二

輕烟弄暝色竚立單衣寒側側一片東風巷陌問送過幾番寶鞍金勒憑高望極但暮雲芳草凝碧人何處瑤華信杳迢遞亂山驛疇昔清尊瑤席記玉面燈前初識江湖誰念倦客感滅燭匆匆許聞蕪澤越羅紅淚拭道別後休思此夕今應是梨花門掩燕子伴岑寂

綺羅香

席上

乳燕棲梁絲鶯坐檻曾記看花同住十載蓬飄那分者

同重聚渾已換欵柳心情猶未減
兒桃眉嫵向芳筵粉
筵輕招翦燈還認舊題句
相看惟有掩袖無限鴛思
鳳想都隨飛絮選堦窗邊
可憶斷魂柔路縱尊前不鼓
琵琶算青衫也無乾處
怕明朝刻地東風鈿轅吹又去

祝英臺近

映紅霞環碧水宛在苧蘿住
小扇貧扉恰對大堤路
番番南浦迴舟東風試馬會繫到畫樓芳樹
幾朝暮不
是手控簾鉤誰分見眉嫵約畧華年纔到玉筍柱橫波
一寸無多儘人魂斷問底事雙鴛鴦還露

又

採茶天挑菜地有意者邊走記得高樓一笑自成久趁
他葉葉衣香弓弓襪印盼歸路翠堤烟柳板扉扣殷
勤試乞瓊漿堂上話清晝墮地釵聲只在曲屏後多時
阿母呼來勝常道罷又背立花陰垂手

又

鳳釵盟鸞鏡約心事尚難料見說東隣爭撲小庭棗何
如一舸移家三楹賃屋獨占取燕昏鶯曉道南好遙
指修竹吾廬別院更清悄隨意安排藥臼與茶竈年來
手種梅花玉羅窗下算合有冶妝人到

又

拓書巢安鈿檻南北喜連棟
砑粉牆低含睇獨窺宋笑
他折齒機邊針心畫裏盼
不到眼波微送兩情重幾
番月午霜辰不怕玉樓凍
佳約無憑寂寞翠帷夢最
憐持贈殷勤白團扇子也
描取吹簫雙鳳

又

井桐陰牆杏外小犬臥花影
那角單扉別有竊香徑尋
來鳳眼窗心蝦鬚簾額笑
一捻露黃尖冷夜初靜留
取如豆銀缸細照晚妝靚
犀蝶雙雙偷解意徧肯通
宵軟語吹蘭雲情水盼拚
種了菖蒲相等

又

月如弓風似翦花外漏將盡夢醒催歸燒燭酌殘醞分
明三五星期枕函留約恁臨去又還重問別難忍依
然獨擁羅衾無那薄寒陣日度梅梢睡起意猶困銷魂
髻惹脂香衣沾粉淚更鏡裏腕闌留印

又

捲魚雲收虹雨弦月半池浸溪閣臨風滅燭愛涼寢一
聲宿鳥翻檐流螢撲扇笑挽住瑣蓮誰禁薄羅衽莫
愁濕徧真珠高柳恰垂蔭欸語遲遲偏戀碧瓷飲可憐
良夜如年柔情似水休負了珊瑚雙枕

又

國朝詩集卷之三十一
一
颺茶烟堆燭淚簾閣鎮長掩猶是雙棲已覺別魂黯誰
令玉箸成珠金環化玦連翠帳風情都滅 倚闌檻屈
指陌上花開難把繡袂摻夢斷芝田只合寫魚梵還愁
藕色春裊蘭香秋帕尙留得猩紅殘點

憶少年

迢迢烟水重重花柳深深庭院簾波恰垂地露雙蓮紅
瓣 綵筆共吟青玉案握春蕙巨羅頻勸誰憐酒醒處
望高樓天遠

酷相思

吳淞雨發

草草一尊臨欲去頻執手渾無語看幾陣東風催日暮

酒醒也人何處夢醒也人何處
短棹檠檠擷畫鼓咫
尺天涯路但一種淒涼須記取小樓也瀟瀟雨小舟也
瀟瀟雨

瑤華 巖東霽雪

冰痕褪岸日影橫窗報一聲乾鵲黃紉衾煖閑睡起倚
徧曉風簾幙遙峯何處看早露巖東一角怕隔溪舊路
猶迷悞了歲寒人約
夜來剩有蘭蘇趁點點簷花聊
自深酌梁園回首又寧料舊日賦情消卻孤吟誰伴喜
幾樹江梅烘萼疑明朝小艇衝寒直到虎山橋泊

一萼紅

重過水竹居有感用草窗登蓬萊閣詞起句

步深幽看白蘋紫蓼池苑恰宜秋茸帽寒多荷衣塵少
醉中一晌凝眸記堤上千絲楊柳驟輕鞍何處不勾留
燭淚堆紅茶烟颺碧人在高樓風景而今無恙但板
橋西畔換卻盟鷗苔澀蛩疏芹殘燕壘聲聲猶訴離愁
問溪水揉藍如許恁年年只解送蘭舟怕見舊時月色
莫上簾鉤

惜秋華

牽牛花

過了星期愛疎籬一帶娟娟秋色風小露濃筠竿挂來
無力桐君藥錄曾聞應怕墮尋常標格勻碧是宮眉罷
描乍分螺筆回首小樓北記穿針人倦鴛機停織微

步處翠欄外，剝葱同摘。而今夢散梨雲，但殘堦花梢猶昔。相識問銀灣，隔年消息。

陌上花

燕泥

貓頭乍迸連朝催度社，公酥雨翠翦雙飛。蚤見帶花啣去年年華，屋棲香穩，鳳嘴幾番辛苦，指松雲小築苔龕。芹黽未輸桑土。漫移琴避卻憐他，點點慣逗繡裘拖處。茗帚輕揮，猶認海棠紅聚。一從芳訊天涯，斷贏得空梁愁句。恨斜陽滿地，滴殘絲淚，不沾風絮。

探春

新柳

蔬甲初分茗槍乍展，幾樹長堤綠繞。弱不禁風，輕偏蘸

水畧似女蠶眠了不解顛狂舞便驚踏也看微裊最憐
未是倡條游驄欲繫還少 回首翠樓春蚤問調妝纖
手可曾攀到一捻腰支二分眉嫵絕憶阿蠻嬌小青眼
依然只怕難縮愁情綿渺從此相思不爲天涯芳草

孤鸞

帳

當年鴛社指小小紅樓薄羅低挂四角垂垂看取碧霞
如畫相逢幾回中酒笑扶來粉粧初卸魂斷流蘇揭處
正燭昏香爇 倚銀壺留住好春夜算真个今番醉忘
歸也夢醒催人愁見冷蟾交射何時淺斟低唱搗織惹
玉鈎雙下一任嬌鬟簾角聽吹蘭情話

雙頭蓮

枕

學繡棚邊愛描取花枝翠禽交頸柔荑曉冷搓碧艾裝
就吳綿難勝小開口渡梅梢恰鶯聲堪聽人乍醒起掠
雙鬢宵來隨釵初省 一自留下相思向空牀獨倚啼
紅常凝空餘破鏡嘆玉鏤金帶不堪持贈好贖半稜珊
瑚待夢中相並魂斷處斜月條條紗幮逗影

綠腰令

蜻蜓

翠陰池館過雨忽無數憐他碧綃衣薄風外不勝舞應
怕虬檐蛛網直拂高梧樹粘竿兒女從教相逐又早低
颺釣絲去 唐宮重憶舊事金線籠堪貯折取小小花

枝螺筆輕描取一自飄零籬落隨分餐風露畫闌亭午
無端下上猶傍紅妝眼偷注

買坡塘

菱花

愛香繩四圍新碧浮根千點相並娟娟玉蕾蘋風外看
取露濃沙淨斜弄影恁就日無心寂寞蘭塘冷紅牽翠
凝笑結佩湘人倚歌越女未泛採香艇江南憶最憶
南湖半頃曲闌涼夜同凭尋蓮訪藕閑心改消受幾番
清景花掩映蛩屈指秋筵擘玉添佳興而今倦肖向拂
水鴛邊罨波鴈底愁對一奩鏡

祝英臺近

芭蕉

映紅蕖遮翠竹閑占滿庭月密樹濃陰望處轉清豁最
憐獨客深燈連宵暗雨聽一葉一聲嗚咽 幾休歇試
數大芋高荷何如此愁絕淡墨輕描圖畫倩摩詰箇中
須着幽人閉門僵臥看壓徧一林寒雪

摸魚子 過舊游處

怪苔痕一番疎雨閑堦蚤被新絲雙鴛綦迹歸何處回
首鬱金堂北燒畫燭記一石留髡扇底人如玉明珠未
斛嘆別後生涯爐香經卷倦耳罷絲竹 揚州路誰念
三生杜牧重來魂夢相逐飄蕭鬢影西風裏還憶內家
妝束尋舊曲恨病蝶秋來不到花房宿悲吟斷續更燕

子年年斜陽多處幾度話華屋

洞僊歌 宋竹輿作江村圖

庚郎蕭瑟悵鬢絲如許老去生涯小園賦愛叢鷗水北
乳燕花南湘簾捲恰對數重芳樹東皋除隙地十笏
吟窩隨意招要故人住望斷剡溪舟有約連牀幾負卻
夜窗風雨問別後相思定何如試乞我新圖漢陰雞黍

臺城路 舟中憶所見

紅闌橋轉逢西弄誰家畫樓斜啓鳳子單衣鴉雛淺襪
人在珍珠簾底牆陰犬吠恨千縷垂楊玉驄難繫結網
無憑片帆空掛五湖水 簾窗愁掩六扇任琳映不飲

石思如醉一鏡遙山半梳初月依約分梢眉翠崔郎再
至怕落盡桃花小門深閉望斷微波素牋何處寄

沈開勳

字呂璜海寧人乾隆二十七年舉人
官麗水縣教諭有直雅堂詞一卷

虞美人

雨絲細裊游絲重攪破楊花夢爐香半爐黯銷魂簾幕
沉沉無語又黃昏 退紅攢綠年時怨天把濃春餞繡
衾倦倚不堪聽纔長芭蕉一葉做秋聲

朱漢倬

字凌霄休寧人
寓居長洲諸生

天香

淡芭菰

寶鴨鑪溫金絲帳麗池塘柳色春鎖小撥筠篳微拈玉

傳詩卷之三十一
五

合卻捲繡簾間坐蘭闥晝永况帶醉雲肩半嬾依約
根細剔羅巾粉香塵宛鶯啼午窓夢破乍晴天試鑽
新火伴雨酒盃花當去聲嫩寒初過嫋嫋湘筒翠裏待散
盡氤氳露珠唾一寸相思心灰意惰

朱澤生

字時霖號芝田休寧人寓居長洲有鷗邊漁唱一卷

吳竹嶼云芝田天才幽雋於詞不學而能其西湖送春感舊及梨花翦秋羅諸闕品格在碧山玉田之間

臺城路 九日懷述庵

新霜一夕催殘葉黃花短籬開早旅雁歸期斜陽別路
怕向高樓憑眺子情渺渺恨獨對凄清滿庭衰草遍插

菜萸鬢絲誰念近來老
吟悰空自暗惱問天涯甚處
魂夢難到刻竹門荒聽泉
逕冷添得離懷多少芳華盡
掃憶月裏銜杯風前落帽
往事匆匆幾時重訴好

月華清

燕

殘杏園林垂楊簾幕日斜
幽夢初醒綽約風前冉冉
雲衣無定恁輕飛芳草池塘
相軟語落花門逕形影傍重
樓深院晝長人靜憶得年時
情景問幾度流連水昏烟
暝一縷春光還怕後游難訂
最堪憐玉樹雛新那更
念玳梁塵冷休省早賓鴻來
候秋生梧井

水龍吟

題述庵三泖漁莊

晚蟬聲咽斜陽柴門臨水秋如畫溪雲幾朵屏山幾疊
高人停駕蔬長籬根竹搖簷角生涯清雅有吟朋重到
開軒小集酬清茗歡吟社 樂事江鄉閑話伴幽棲蘆
汀漁舍簾鉤靜倚荷衣時著情懷瀟灑歇浦烟橫泖湖
晴漲綸竿堪把更相攜釣叟板橋沽酒醉西風下

齊天樂 詠眉

鏡鸞半露嬋娟影嬌羞怕人窺見帶恨輕描含嚙巧畫
遞出風情無限傷春欲倦漸慵倚細屏懶開鴛幔一種
消疑爲誰偷歛爲誰展 張郎遺事已遠縱裁成柳葉
難補鈿扇鬥月痕低翻歌黛感轉覺粉濃香淺殘妝又

晚甚雲斷巫山夢回吳苑酒冷燈昏夜深和淚掩

浣溪沙

細雨霏霏逼禁烟
風光百五最堪憐
綠陽陰裏影秋千
門草踏青人去後
傷春中酒燕來天
一番花事又經年

又

銀鴨香消寶篆輕
青羅衫子薄寒生
畫樓低按小秦箏
楊柳簾開新雨後
杏花門掩曉鶯聲
春風無處不關情

情

又

小院蘼蕪綠幾叢
王孫何處繫游驄
可憐春事太匆匆
舊恨誰傳烟水外
新愁只在燕鶯中
開簾數盡落

風

又

雨後斜陽淡碧雲
蘭塘水漲縠紋新
畫梁紫燕不堪聞
聲斷玉簫添別恨
香殘銀葉惜餘熏
天涯又作送春人

瑤花 梨花

重門掩處柳絮飛
時又江南寒食東風無力看漠漠
一抹香雲如織
何郎淡雅渾錯認
雪梅標格被幾番
小雨

籠晴帶得淚痕還濕 可憐院落無人把玉笛吹殘誰
遞消息溶溶夜月應自笑醉裏瓊枝空摘韶華易老莫
辜負洗妝良夕怕曉來夢破啼鶯百種芳魂難覓

長亭怨

西湖感舊寄友

乍鶯語蘇堤晴曉禁柳烟輕落花風峭記取年時踏青
會醉酒帘小翠鬢紅袖歌玉樹斜陽道樂事漸消沉早
一度天涯春老 憑眺悵尋春舊約此際有誰重到載
情畫舸問能載別情多少更忍向十里湖橋聽絃索蕭
娘新調怕惹起相思難寄如雲芳草

摸魚兒

西湖送春

泛西湖淙波明鏡匆匆誰爲留住蘭舟遙傍鴛鴦浦滿
目斜陽烟樹情似許算只有飛花礙殺流鶯語雕欄甚
處起幾縷歌雲數聲檀板解說送春去添愁緒猶記
蘇堤舊路香車鈿扇相聚重來把酒人何在寂寞柳絲
空舞君試數君不見東風紫燕年年度惟餘倦旅漸錦
瑟絃中瓊簫夢裏雙鬢暗催暮

玲瓏四犯 剪秋羅

誰倩風刀把幾角吳紈裁出芳艷帶雨渾疑檀瓊碎傾
香醞相見不是春前早映向乳桐簾檻想漢宮一夢悲
涼空作蝶衣黃染冶妝人自來花片杏裏垂暗爭濃

淡閑排綵軸描茸朶添得停鍼尋念翻惜點綴苦根畧
比錦錢圓欠擬壘成歌扇飛憐撲紗嚮掩

朱苾恭

字叔會號桂泉休寧人寓居長洲貢生

曹來殷云桂泉風神韶令杜宏治劉真長之比填詞幽倩與兄時霖稱二難合蔣升枚稱三俊

天香 淡芭菰

銀葉初銷玉鑪乍燼憑誰更遣蕭寂小擷羅囊重搗筠
管趁取蘭缸未息清吟欲倦看一縷輕烟漾碧裊裊徐
縈簾影化成斷雲無迹 卻思海天春色映滄波綠連
芳陌幾度金刀剪出裝來番頗最憶酒邊花外暈薄醉

國朝詩集卷三十一
微熏伴寒夕，剩有殘灰春。葱再別。

南浦 題沙斗初春江雨泛圖

微雨滴前溪，趁柔波早放瓜皮。漁艇飛燕啄芹泥，
伴誰更相逢。香逕魚雲乍合，翠眉依約。遙山
暝回首，孤邨芳草，路屋外空懸答答。一篙斜轉，
荒灣溯流花正。值東風欲定，憑眺倚篷窗，
閑家具。只少藥鑪茶鼎，江鄉好景。舊盟鷗鷺，
何人省思共烟波。棲隱去吟遍綠楊紅杏。

蔣業鼎

字升枚，長洲人，諸生。

天香

淡芭菰

粵嶠檳榔湘洲蕙蔭輸他品味難狀沙社聯詩花曹門
酒鑊管慢熏簾幌紅闥繡倦更笑吐春雲飄颻玉手檀
黃微印更拈繡囊新樣 情絲繫人夢想納微涼晚蟾
晴朗甚日斗槎新泛潮沙初漲翠鳥歸帆無恙謝海客
芳粧遠相餉醉剔銀缸香流桂帳

國朝詞綜卷三十九

國朝詞綜卷四十

青浦 王 昶 纂

鄭 澐 二十六首

嚴長明 二首

徐薊坡 六首

韋謙恒 一首

施朝幹 六首

鄭

澐字晴波號楓人儀徵人乾隆二十七年舉人

三十年召試 糧道有玉勾 草堂詞一卷

一枝春

吳杏橋先生與同人夜游平山堂步月看梅繪圖譜詞以紀其事實甲戌春二月十

七日也越六年己卯二三日友謀續舊游時先生歸道山者星紀四周矣篚予將俶裝北去惜良會之頻遙思前塵以如夢酒盡更闌爲歌此曲不勝嘆逝傷離之感云

畫裏江城鎮年來斷素飄零如許盟鷗好在有約玉樽
重舉山空雪老早春滿翠禽啼處翻笑我頻怨黃昏不
共那時風露微吟冷雲深樹悵遺仙跡杳橫斜誰賦
高樓一笛酒醒夢回春去花期過了問何事又歌南浦
看後夜明月天涯照人倦旅

齊天樂

和施小鐵夜坐有述卽用其韵

荷衣銷盡烟江翠相逢又縈愁抱短髻侵霜孤吟弔月
燭剪西窗留照長安大道笑夢裏看花醉餘歆帽數點
棲鴉夜寒枝上倦頻遶清時賦歸自好片帆人去遠
芳訊還早縞紵新歡文章末路賸有天涯同調悲歌藉

草儘敲碎琴材賞音原少禁漏沉沉馬蹄催候曉

又歲晚寄懷再用前韵

鴈風催送燕南雪天涯坐驚孤抱瘦沈腰輕愁潘鬢減
目斷青山斜照殘年遠道記亂葉隨鞭軟塵吹帽賦罷
銷魂別腸如繭萬絲遶粧樓幾回夢好寶釵頻卜夜
應令歸早酒市清笳江城暮笛一種人間悽調鄉書細
草問開到梅花月明多少有約看春翠烟宮樹曉

疎影

和小鐵憶梅依玉田韵

水崖凍結盼隔年風信猶遲霜雪記得江村幾日新晴
吹香歲晚時節孤清索共傾城笑向酒伴芳心偷說甚

薄游誤了花期應悔故山輕別 何處春生最早曉粧
啟玉鏡簪上雲髮倦旅長安遠寄南枝爭似殷勤紅蕖
腮間認影疑還錯又一點新愁凝絕但夜來相伴微吟
夢入楚天明月

徵招 瓶中芍藥

亂紅吹碎江南夢愁來惜春難賦底事獨閱遲尙芳心
如許含嬌頻待語儘消得謝郎題句淡碧文腮午晴烟
暖素羞深貯 舊譜試重尋揚州月當年帶圍何處但
感別經時遣花期輕誤離情誰贈汝伴夢尾一樽孤旅
倚闌望路隔豐臺又滿階絲雨

長亭怨慢 送金棕亭

甚相見匆匆如此落木秋帆酒闌人起興冷看花茂陵
今更倦游矣別離情緒流不盡桑乾水底事說重來似
短夢驚回千里遙指正烟空過雨晚照數峰凝紫孤
雲鶴背謾贏得舊時行李却笑我送客天涯算楊柳前
身應是只一點歸心吹入南鴻聲裏

水龍吟

蘆花吳杉亭姚姬傳侍補堂施小鎮同作

幾番風信催寒絮雲秋帶迴潮捲汀遙港曲草枯沙淨
波平天遠冷伴鷗眠閑邊鷺立隔江千點記吳楓落盡
楚蘋開後蕭蕭也斜陽岸吹亂涼烟一片近黃昏斷

鴻歸晚漁歌漸起月明何處艤船清淺還怕飛來野橋
衰柳誤人春怨奈天涯倦旅相看髮色早霜華滿

琵琶仙

自題霽月下簾圖

人鏡圓秋同花外坐對沉沉空碧河漢不掩微雲涼秋
淡無色風露晚瑤笙鶴背早吹遞素娥消息寶押低垂
螺樽淺注依舊今夕問何事幽怨年年但千里陰晴
共岑寂虛幌夜憐間倚更誰家殘笛頻說與江樓昨夢
傍玉闌照影凝立爲寫一點新愁海天孤白

水龍吟

題施耦堂紅衣釣師圖

武陵溪畔歸來滿簑花雨胭脂濕輕移短棹盈盈千頃

一竿搖碧蟹舍秋清鷗家夢遠醉橫霜笛傍蓼汀楓岸
乘潮欲去添多少斜陽色 笑我荷衣待盪泛疎萍幾
年蹤跡鱸鄉信美天涯愁聽冷紅消息只恐塵衫月川
烟渚未教閒得倩何人畫取芙蓉江上有浮槎客

解連環

寄問梅花消息用白石韻

畫屏愁倚數風纔一信早催春思算幾番吟伴黃昏看
瑤席吹香靚粧臨水別鶴空山漫贏得月籠烟洗甚花
期誤了咫尺故園短夢難記 高樓碧雲曉霽盼音沉
遠驛應歎還棄試說與幽恨年年怕殘笛江城翠禽飛
至雪滿孤村定開到竹邊松底想歸去夜寒帳掩那人

正睡

清波引

新柳用白石韵

畫橋烟浦望沙外欲眠屢舞翠眉如許曉粧帶餘嫵翦
翦數行影待送玉鞍歸去暗風吹綠江城想依舊別離
處 間愁付與爲春瘦今更幾度鈿車來否倩飛燕傳
語新聲動羌管怨入紅樓酥雨怕又香絮飄時賺人吟
苦

轆轤金井

感秋

亂蟬聲裏近黃昏過了一番疎雨小簾空簾便新涼如
許幽期暗數早天上玉梭催度落葉長安蕭然古意繡

菱難賦 清愁待誰付與笑文園倚病今又闌暑烟水
淮南渺斜陽何處芙蓉在否想依舊夜來風露斫膾漁
灣盟鷗荻港甚時歸去

瑣牕寒 秋雨

幾日新晴瀟瀟却聽晚來還又凋紅減綠響在斷蛩荒
鶯捲疎簾孤雲自閒嫩寒坐怯單衣瘦把短檠背影相
看心事欲憑樽酒 良人西風驟送萬點秋聲遠隨滴
瀟巴山舊約過了黃昏時候渺天涯吹滿鴈程峭帆一
葉歸去否怕臨窗更有芭蕉夢醒鴉啼後

清平樂

雨闌風定葉落黃昏近燈不候蛩涼入聽又是一年秋
信 夢回留得茶甘晚花香綴筠籃只少畫屏新月夜
情都似江南

水龍吟

題王少林桃葉歸舟圖

碧雲日暮飛來一帆秋趁迴潮迴人歸甚處分明看似
渡江烟艇價抵連城歌傳得寶可憐風韻想柳汀楓岸
眠鷗有夢還應妬黃昏近 誇說凝粧曉靚小橫陳柁
樓敲枕柔鄉信美五湖鮭菜便堪借隱底事天涯雨衫
塵帽又牽離恨問何時載取青山琴鶴伴雙雙影

長亭怨慢

又催送天涯秋信岸柳汀蘆晚來風緊倦客單衣短篷
深燭照孤影碧雲何處還不似江南近旅雁一聲聲解
說與當時離恨誰問問金錢細卜幾度麝鑪薰冷黃
花瘦了想依舊暗蛩芳徑便此夜夢逐征帆怕沙上襪
羅霜凝待鏡約重盟歸去絲添吟鬢

轆轤金井

中秋風雨

倚樓人遠雁飛來又是好秋時節雨滴空階帶蕭蕭林
葉憑高佇月問誰解玉簫吹徹客睡何曾歌成水調暗
驚華髮姮娥夜情更切悵水奩背影相望愁絕便許
長圓奈經年離別香殘漏歇想花外夢回瑤闕數盡簷

聲自掃一庭黃雪

聲聲慢

朝雲之感越五年矣追賦此解以寫我憂

當花款月引袖籠香人間幾度芳春夢斷華胥瑤峯不
駐行雲依然畫梁歸燕帶飛紅吹到啼痕凝思去久甚
簾波屢響總付前塵長恨經年賦別奈湘臯珮杳此
別消魂荏苒星期征衾愁抱黃昏還疑夜牕裁剪拍闌
干頻喚真真風又起盼留仙何處翠袿

又

殘釵蝕鳳小扇分鸞年年潘鬢傷春一曲庭花冷颼吹
散歌雲空奩黛螺自綠點霜臺都化愁痕憑寄語問飛

瓊何事輕隨紅塵 迢遞江南日暮向碧桃溪畔招徧
離魂宿草埋香消磨燕曉鶯昏如烟幾回抱影步嫵嫵
似夢還真歸也未結同心重綰茜裘

月下笛

張玉田山中白雲詞題後

十四橋邊詞仙去後鳳簫何處秦川倦旅自翻來舊時
語西冷芳草斜陽外問那日朱門在否奈王孫歸晚田
荒玉老斷腸空賦 佳句奚囊貯任醉拍紅牙嘯歌干
古江花艷吐綠波誰唱南浦可堪淚濕金盤夜忍聽到
移宮換羽但極望野雲飛吟對心香半縷

撥魚兒

白髮

甚年來瘦吟人老蕭蕭愁對明鏡情絲不斷楊花夢吹
作絮雲沾鬢心暗警是幾度懷鄉怨別經春病迴燈照
影奈試鑷還添頻梳漸短催送曉霜信 歡娛地誰與
神方駐景鬚眉猶自誇俊青青教染翻成笑思媚玉臺
粧靚風帽整怕有約登高秋入瑤簪冷鷗盟未穩算合
向江亭蘋烟荻月搔首賦招隱

長亭怨慢

東華旅寄涉夏逾秋興罷南歸老難爲
別同年施小鏡太常邀同王少林司馬
置酒相餞來日登車賦此寄意將有自
下之游故篇未及之

乍叩首連雲雙闕匹馬西風曉裝催發昨夜傳觴故人
分手話情切茂陵游倦能幾度長經別秉燭笑相看甚

近日都成華髮 愁絕只清霜數點掃盡萬家殘葉南
鴻過了又遲到嶺梅時節算此去穩占鷗盟定何處沙
平天濶且喚取江帆吟遍六朝烟月

渡江雲

海濱訪舊不遇而歸賦此解嘲明日挂帆江上矣

軟紅吹夢醒征衣欲換何事戀天涯遠尋鷗鷺約雨散
風驚海上暮迴槎荒橋斷柳空數盡點點殘鴉贏得是
漁孃相笑塵髻老霜華 誰家歌筵簇錦酒國酣春鎮
千金良夜應不管飄零舊恨重訴琵琶離心低趁江南
雁帶月明飛過平沙歸又晚新愁漸到梅花

長亭怨慢

雪後舟中寒望四野賦此遣懷不自知其辭之怨抑也

聽沙外流澌聲碎一夜冷颺萬花紛墜曉色篷牕暗塵
無影淡烟起故山何處渾不辨青螺髻釣艇落空濛早
畫出江村詩意底事儘鴻泥踏徧歲晚未成歸計寒
深興淺總輸與剡溪高致尙坐憶昨夢關河幾愁老玉
壺天地好約取問鷗吟向梅邊留醉

八聲甘州

積雨兼旬好春將盡屢阻看花之約益增懷舊之思漫譜此解

盼梁間燕子未歸來憑誰話春愁甚風斜雨驟添寒做
瑣客意如秋聽說西湖昨夜香帶斷紅流烟草迢迢碧
依舊汀洲早信仙源路杳便夢雲同載不是盟鷗問
歎袞舞扇何事人勾留儘多情畫橋絲柳怕別筵難繫

木蘭舟應惆悵最銷魂地殘月朱樓

摸魚兒

憶梅圖爲沈既堂賦

帶城陰故家喬木當年春事如許疎疎籬落橫斜影人
坐雪香深處會記取伴有味青燈吟達霜天曙添來鬢
纓算計穩初衣心蘇寸草歸日未遲暮一繁華地翠館
朱樓在否銷沉誰問今古巢痕新掃容棲燕還向畫梁
傳語須小住看菊徑蘭畦一例成佳趣幽懷寄與又夢
到闌干月濃烟淡苔老舊時樹

巖長明

字道南江寧人乾隆二十七年召
賜內閣中書官至內閣侍讀

聲聲慢

同人集述庵寓齋

緗簾有影畫戟無聲病餘人坐隱虛拈得名花只合供
向曼殊試看流風迴雪佐清歡那減吳飲何況有湘臯
佩底遺下雙珠轉眼佳期過七想淡雲影裏幾點星
疎老我鬢絲禪榻香斷熏鑪因君又牽昔夢擬今宵醉
臥瓊璣更倩取瀉明河添滴箭壺

渡江雲

留別長安諸同好

長安何限好雪消雲霽剛值卸鐙初韶光無賴甚纓助
權筵却又促離駒分襟三度到今番倍覺愁余行看取
白頭伴侶兩地月同孤征途馬頭風露雁底關河算
怱怱此去那更省誰家草綠何處花疎歸時擬趁青溪

曲覓水天深處間漁但祇恐舊盟鷗鷺都無

徐薌坡

字蒼林青浦人貢生乾隆二十七年
召試二等在武英殿行走早卒

臺城路

題邵西樵釀花小圖

幽居獨占平泉勝橋南數弓新闢落猿烟烘藥欄雨潤
點綴艷陽景色風朝露夕玩嫩紫柔紅輕黃淺碧小徑
芳華暖雲冉冉護香國塵韁愧我難釋羨抱甕青門
種瓜仙客鳩杖穿雲鷓鋤月十畝小園間適恁時蠟
屐待花塢春深瑤葩徧拆好聽鷓聲柳陰同挂笠

又黃雪廊

欄牙低罨扶疎態依依軟條蔥翠金粟苞含玉犀朶綻

滿院幽芬撲鼻藤牀睡起正螢焰燃窗蛩音開砌一剪
輕颺霏霏晴雪點階碎新霜幾樹搖曳想招隱淮南
小山堪寄雲外香清月中影淡領畧閒庭秋意晚蟬林
際玩露泣枝枝碧陰篩地倚倦吟欄嫩涼添半臂

又冷香徑

芳園借取銅坑景幽花漸開窗戶鹿眼編籬鹿胎糝磴
慣惹輕烟薄霧迴廊漫步愛竹外松閒暗香徐度約畧
年時羅浮山下夢中路枝枝瘦影橫處正門掩蒼苔
蹇驢客去半塢斜陽一林殘雪中
有詩翁尋句吟筇小
拄逗料峭微風嫩寒幾許滿地疎陰晚檐鴉啣樹

又花韻館

亞欄盞曲瓊葩艷枝枝影披鴛鴦帶露嬾娟迎風旖旎
彷彿玉環中酒綺窗清晝愛花片鋪茵柳絲罽袖倚檻
涼生霏微宿雨乍晴後幽芳幾點徐逗正小簾疎簾
綠陰斜漏不借穿雲偏提醉月美景三春消受閒攜野
叟僂坐臥芳叢麗詞爭鬥紫醉紅酣聳肩吟苦瘦

又妙香亭

凌波髻拂湘妃影翩翩襪羅微步翠蓋低擎碧筇斜捲
一剪輕颺徐度平鋪淺渚正細葉田田綠陰濃護滴瀝
菰蒲玉池千柄響疎雨採蓮舊曲堪譜愛水檻風櫺

嫩涼滌暑葵箴揮殘桃笙夢斷吹送晚香幾縷開紅深
處認點點荷錢圓珠瀉露碎蹴蕢痕藕絲塞浴鷺

又 話雨篷

牽來岸上烟波繞宛然米顛小艇酒幔茶檣筆牀硯匣
不減天隨吟興筠竿漫整玩鷺浴浴磯鷗眠莎磴杳杳
菱歌藕絲風裏倚闌聽軒窗溪面倒影愛泛宅浮家
別開仙境一榻菰蒲半船書畫舊夢瀟湘初醒枕流嘯
咏似蟹舍漁莊柳湖烟景何日重游柳灣移舴艋

韋謙恒

字慎旃蕪湖人乾隆二十二年召試賜
內閣中書二十八年進士官鴻臚寺少卿

邁陂塘

題述庵先生三洲漁莊

對茫茫層波滑笏湖光清絕如許茶烟微颺孤篷底只
合釣師爲侶人喚渡看朶朶閑雲淺碧前村吐漁燈隔
浦想秋到鱸香一聲欸乃聽盡綠蕪雨 長安道目送
飛鴻無數九峯三泖何處白蘋汀畔楓林下門鴨撈鰕
都悞秋幾度倩半尺吳綾寫出離情苦留君小住漫清
夢頻牽蛤蚧菰葉便欲伴鷗鷺

施朝幹

字培叔號小鐵儀徵人乾隆二十八年進士官至宗人府府丞有正聲集四卷詞附

琵琶仙

侍補堂疾愈依韻賦此

簾捲孤雲記前度倚檻槐陰吹碧隨意清嘯氣陽飄飄
又萍跡愁不斷西風易起况懷舊慣題瑤席易水生寒

相如善病愁對苔石 想今夜明月揚州定流影烏衣
巷邊宅多少砌蛩幽韻似天涯岑寂應爲屬空江雁字
細寫成望遠消息早是高館疎燈夢殘烟白

水龍吟 蘆花

冷雲飛過江南萬聲秋漾花心瘦殘莖乍吐荒洲難折
夕陽時候記得當初叢長絮弱雨前風後甚青春誤了
白頭容易霜催也驚重九 應念詩人望久到淒淒湖
泖還又平沙墮影遠波傳信斷鴻知否送客潯陽吹笳
夔府月明依舊想迴汀古渡舟橫雪舞見垂綸叟

又 秋雁

遠風吹影橫斜岸沙飄蕩烟無際隨陽前事來賓如鷁
去程應記爲報年年塞門霜信江南雲水想遙天正迥
稻梁何戀憑誰識迴翔意多少淒清滋味傍蘆中月
搖花碎平生倦旅人間增繳那堪輕試一字秋心一行
秋侶欲休還起望衡陽甚處哀音彷彿在鳴箏裏

月下笛 秋笛

怪底湖邊蒼龍睡醒素秋吹響危樓靜倚乍悠揚數聲
墜宵來已落霜前月又却向關山喚起正官橋衰柳爭
禁更折誤人凝睇雲際淒涼意使律呂相和斷腸誰
寄人間萬里爲誰含怨如此那堪三弄新翻就恰送入

西風倦耳想塞上奏涼州多少征人夢裏

齊天樂

題史忠正公道像冊子按公像及復我朝曆親王書殉節特別母書蔣心餘編修購自書肆彭少司農奏進得旨於梅花嶺刻石史氏之族有鴻義者復鑿於木以廣其傳誠盛事也

廣陵江上啼鵲過風吹遠音還咽楊本重摹軍書試展
遺像清高如接滄桑話歇想礮火譙樓舊時毛髮化去
蟲沙燐飛空照二分月琉璃官廠市晚揭來詞客手
曾獻金闕寸草心孤春燈恨鎖留得愁顏千疊招魂句
絕任袍笏銷沈畫圖淒切故嶺梅花送香深夜雪

疎影

題王樓村先生十三本梅花書屋圖先是圖已失去先生曾孫嵩高購而藏之有諸公續

題卷子嵩高以是卷缺填詞一體致書屬余
爲賦此解

疎簾淡月有夢魂縹緲天上仙骨指點凌波離合神光
俄看瘦影環列橫斜却付丹青手便遶屋紛紛香雪儘
化身倚徧花間韻入朗吟都別 休問唐編宋籍讀經
次第了相對清絕六十年來回首尋芳玉笛何曾吹折
而今授簡揮毫處更不數蘭亭新跋想夜深重葺遺書
冷逼幾枝冰結

國朝詞綜卷四十